

Քիւ 26474

Օգոստոս 14, 1979

Հոգեշնորհ
Տ. Վազգէն Ծ. Վրդ. Լէշիշեան
Առաջնորդի Փոխանորդ Գանատայի
Թորոնթո.

Սիրելի Հայր Վազգէն,

Թեմական Խորհուրդի Օգոստոս 10, 1979 նիստին մէջ անդրադարձանք մեր եւ Թեմական Խորհուրդի ամբողջ կազմին ունեցած առաջին պաշտօնական հանդիպումին՝ ձեր եւ Թորոնթո բնակող մեր զաւակներէն տասնըրեք ազգայիններու հետ, 1979 Յուլիս 14, Շաբաթ օր, Թորոնթոյի Ս. Երրորդութիւն Հայց. Եկեղեցւոյ մէջ:

Այս հանդիպումին զլիւար նպատակն էր օրինաւոր միջոցներով հաստատել երկրորդ համայնք մը Թորոնթոյի մէջ:

Մեր եւ Թեմական Խորհուրդի զոհունակութիւնը կը յայտնենք որ հրաւիրուած տասնըրեք ազգայինները պաշտօնապէս յայտարարեցին որ իրենք որոշած են հնազանդիլ Առաջնորդին եւ Թեմական Իշխանութեան եւ պատրաստակամ են իրենց տրուելիք հրահանգներուն համաձայն կազմակերպել Թորոնթոյի մէջ մեր երկրորդ համայնքը Ս. Խաչ Հայց. Եկեղեցի անունով:

Վստահ ենք թէ ուղիղ եւ բարի մտադրութեամբ առաջադրուած այս նպատակը պիտի իրագործուի հարթելով անցեալի տարակարծութիւնները, եւ զործածելով մեր զաւակներուն հոգեւոր եւ իմացական տաղանդը եւ կարողութիւնները՝ մեր հոգեւոր մօր՝ Հայց. Սուրբ Եկեղեցիի հովանիին ներքեւ խմբելով զանոնք եւ բարգաւաճեցնելով անոնց կրօնական, մշակութային, ազգային, կրթական եւ ընկերային կեանքը:

Յուլիս 14ին տեղի ունեցած խորհրդակցութեանց հիման վրայ եւ յստակ ընելու համար կատարուելիք աշխատանքներու ուղեգիծը եւ պատասխանատուութիւնները, ձեզի կը հրահանգենք պատշաճը տնօրինել հետեւելով ձեզի տրուած ցուցմունքներուն:

1. Թեմական Խորհուրդը նկատի ունեցաւ Թորոնթոյի մէջ կազմուելիք երկրորդ ծուխի մը կազմակերպման համար իր նշանակած յանձնախումբը եւ նաեւ նկատի առաւ ստացուած տեղեկութիւնը թէ երկրորդ ծուխէն հաւանական ծխականներ ժողով գումարելով որոշ անձեր ընտրած են իբրեւ ծխական Խորհուրդ: Վերոյիշեալ տուեալները նկատի ունենալով, ներկայ գիրով կը լուծենք որեւէ եւ բոլոր մարմինները եւ յանձնախումբերը՝ որոնք նախապէս նշանակուած կամ ընտրուած են գործելու երկրորդ ծուխի անունով, եւ հետեւեալ անձերը կը նշանակենք Առժամեայ ծխական Խորհուրդ Թորոնթոյի մէջ կազմուելիք երկրորդ ծուխին Սուրբ Խաչ Հայց. Եկեղեցի անունով.

Տորթ. Վարդան Այնաճեան
Տիար Անդրանիկ Զաքարեան
Տիար Սուրէն Էվրան
Տիար Եղիա Թորոսեան
Տիար Մարտիկ Հէրիմեան
Տիար Յակոբ Նար
Տիար Ղեւոնդ Շահմելիբեան
Տիար Լեւոն Չէօմլէբեան
Տորթ. Վահէ Ավաճեան
Տորթ. Վաչէ Կերամեթլեան
Տիար Յակոբ Էլլէշեան
Տիար Մքմէն Ֆիւրքմեան
Տիար Ժան ֆէնէրմեան

2. Կը հրահանգենք ձեզի որ վերոյիշեալ անձերը հրաւիրէք ժողովի՝ ուր զազանի բուէարկութեամբ եւ ներկաներու մեծամասնութեան բուէնով պէտք է ընտրեն Ասենապետ եւ Փոխ Ատենապետ, Ատենադպիր եւ Փոխ Ատենադպիր, Գանձապահ եւ Փոխ Գանձապահ, եւ եթէ անհրաժեշտ է այլ պաշտօններու համար պատասխանատուներ՝ եւ անոնց անունները մեզի ներկայացնէք վաւերացման համար: Հաճեցէք նաեւ զրկել իւրաքանչիւրին հասցէն եւ հեռաձայնի թիւը:
3. Նշանակուած վերոյիշեալ անձերը պիտի ծառայեն հրահանգներուն համաձայն Առաջնորդին եւ Թեմական Խորհուրդին: Եւ Առժամեայ ծխական Խորհուրդի ուրեւէ մէկ անդամ որ կ'անսաստէ կամ հակառակ կը գործէ տրուած հրահանգներուն՝ ենթակայ կ'ըլլայ պաշտօնէ հեռացուելու Առաջնորդի եւ Թեմական Խորհուրդի պաշտօնազրով եւ կ'արգիւտի որեւէ հանգամանքով Սուրբ Խաչ Եկեղեցիի անունով գործելու:
4. Առժամեայ ծխական Խորհուրդը պարտի հետապնդել եւ կատարել հետեւեալը.
ա. նկատի ունենալով Թորոնթոյի մէջ Ս. Երրորդութիւն Հայց. Եկեղեցւոյ ծուխին ներկայութիւնը եւ անդամութիւնը, Ս. Խաչ Եկեղեցւոյ անդամ անձանազրուող ամէն անհատ պարտի ստորագրել տրատու անդամութեան համար պատրաստուած հաստատագիրը: --Տես օրինակը--
բ. իւրաքանչիւր տրատու անդամ պարտի վճարել իր տարետուրը, որ նուազագոյն 15 տուար է:

զ. Կարգադրութիւններ ընել առաջին Տարեկան Անդամական Ժողովը գումարելու 1980 Փետրուար ամսու մէջ՝ նախագահութեամբ Գանատայի մէջ Առաջնորդի Փոխանորդին:

դ. 1980 Փետրուարին գումարուելիք առաջին Տարեկան Անդամական Ժողովին մասնակցելու եւ բուկարելու, եւ ծուխին մէջ որեւէ պաշտօնի ընտրուելու համար, իւրաքանչիւր անհատ պարտի իրաւասու անդամ դառնալ 1979 Նոյեմբեր 15էն առաջ՝ ամբողջացնելով ա. եւ բ. հաւաճաններուն մէջ յիշուած պայմանները:

--Հաճեցէք նկատի ունենալ որ միայն այս առաջին անգամուս⁴ համար եւ այս նպատակով զանց կ'առնենք մեր Թեմական Կանոնադրութեան յօդուած 7ի մէջ յիշուած պայմանները: Առաջին Անդամական Ժողովէն յետոյ, Կանոնադրութեան ցուցմունքներուն կը հետեւիր:--

ե. Ոչ մէկ պարագայի Առժամեայ Ժխական Խորհուրդը կրնայ որեւէ պարտաւորութեան տակ դնել ծուխը կամ Առաջնորդարանը որեւէ նպատակով կամ պատճառով կալուածական գնում կատարելով կամ շէնքի գործածութեան անունով վարձքի եւ կամ այլ ծախքի ենթարկելով, առանց կանխաւ արտօնութիւնը ստանալու Առաջնորդին եւ Թեմական Խորհուրդին:

զ. Ցնոր տնօրինութիւն, Հայց. Եկեղեցւոյ Հիւսիսային Ամերիկայի Արեւելեան Թեմի Առաջնորդի Փոխանորդը Գանատայի մէջ այս համայնքին կրօնական եւ եկեղեցական գործերուն անմիջական պատասխանատուն պիտի ըլլայ:

է. Սուրբ Խաչ համայնքի տնտեսական եւ վարչական գործառնութիւնները պիտի կատարուին նախագահութեամբ Առաջնորդի Փոխանորդին եւ ծուխին բոլոր ձեռնարկները պէտք է ծրագրուին համաձայն Հայց. Եկեղեցւոյ Հիւսիսային Ամերիկայի Թեմական Կանոնադրութեան:

5. Գիտակ ըլլալով որ Հայց. Եկեղեցւոյ Հիւսիսային Ամերիկայի Թեմը իբրեւ իրաւական անձնաւորեալ կազմակերպութիւն արձանագրուած է Միացեալ Նահանգաց Նիւ Եորք Նահանգի մէջ՝ որեւէ օրինական վաւերագիր ստորագրելու կամ կանոնական քարեփոխումներ կատարելու համար Սուրբ Խաչ համայնքի դեւէ եւ բոլոր ներկայացուցիչները ենթակայ են Առաջնորդին եւ Թեմական Խորհուրդի հրահանգներուն, յարգելով Գանատական օրէնքներու տրամադրութիւնը:

6. Առժամեայ Ժխական Խորհուրդի մէջ ծառայելու համար նշանակուած ոեւէ մէկ անդամի տեղ, որ անկարող է իր պարտականութիւնները կատարել մահուան, հրաժարման կամ առանց պատճառի չորս յաջորդական ժողովներէն բացակայելու կամ այլ պատճառաւ, Առաջնորդը եւ Թեմական Խորհուրդը նոր անդամ մը կը նշանակեն:

7. Բոլոր թղթակցութեանց եւ արձանագրութեանց օրինակներէն պէտք է պահուին նաեւ Առաջնորդի Փոխանորդին մօտ:

8. Ս. Խաչ Հայց. Եկեղեցւոյ անունով պետութեան մօտ արձանագրուած կանոններու մէջ կատարուելիք անհրաժեշտ փոփոխութիւնները յառաջիկային պիտի ներկայացնենք, համաձայնեցնելու համար զանոնք Հայց. Եկեղեցւոյ Հիւսիսային Ամերիկայի Թեմի Կանոնադրութեան տրամադրութեանց հետ:
9. Թեմական Խորհուրդի Օգոստոս 10 նիստին մէջ ակնարկութիւն եղաւ Յունիս 27, 1979 թուակիր գրութեան մը որ Յուլիս 14ին մեր հանդիպումէն յետոյ դրկուած է զանազան անձերու եւ որուն ներքեւ դրուած տասներեք անուններէն վեցը ներկայիս մեր հաստատելիք Առժամեայ Եխական Խորհուրդի անդամներու ստորագրութիւնն են: Թեմական Խորհուրդի նիստին մէջ որոշեցինք աննկատ թողուլ այս անխորհուրդ արարքը, վստահելով Յուլիս 14ի ժողովին մէջ նոյն անձերու ցուցաբերած ուղղամիտ կեցուածքին եւ յայտարարութեան:

Մեր թելադրութիւնն է որ զիրար քաջալերէք ՝ ի գործս քարիս՝, որպէս զի սատանան որ ակնդէտ պատրաստ է իրենց հաւատքին մէջ հաստատ մնացողները խորքալելու՝ ամօթալից հեռանայ ձեր մէջէն: Կը մաղթենք որ Աստուծոյ օրհնութիւնը անպակաս մնայ ձեր եւ Ս. Խաչ Հայց. Եկեղեցւոյ Առժամեայ Եխական Խորհուրդի եւ մեր Եկեղեցւոյ ըլլոր զաւակներուն վրայէն:

Սիրոյ ողջունիւ

ԹՈՐԳՈՄ ԱՐԷՆԳԻՍԿՈՊՈՍ
Առաջնորդ